

Curta survista dal

Gesundheitsversorgung 2020 des Kantons Graubünden Provediment da la sanadad 2020 dal chantun Grischun Assistenza sanitaria 2020 nel Cantone dei Grigioni

Akutsomatik | Rettungsdienste | Rehabilitation | Psychiatrie | Pflegeheime | Spitexdienste | Ärzteschaft
Somatica acuta | servetschs da salvament | reabilitaziun | psichiatria | chasas da tgira | servetschs da spitex | medi
Medicina somatica acuta | servizi ambulanza | riabilitazione | psichiatria | case di cura | servizi spitex | medici



Infurmaziuns detagliadas davart il provediment da la sanadad 2020 dal chantun Grischun
chattais Vus online sut: www.grimpuls.ch/gesundheitsversorgungsbericht
(actualmain disponibil sulettamain en tudestg)



Departement für Justiz, Sicherheit und Gesundheit
Departament da giustizia, segirezza e sanadad
Dipartimento di giustizia, sicurezza e sanità

Somatica acuta

Ospitals da somatica acuta

Ilis ospitals dal Grischun èn repartids sin 12 regiuns d'ospital. Fin la regiun Val Mesauc/Calanca ha mintga regiun in ospital acut public. Als lieus San Murezzan e Fläsch è ultra da quai represchentada la clinica privata Gut. L'ospital central è l'ospital chantunal dal Grischun a Cuira. Ilis differents ospitals collavuran in cun l'auter en numerusas cooperaziuns.


Prestaziuns staziunaras dals ospitals acuts

L'onn 2018 han ilis ospitals acuts dal Grischun tractà staziunarmain var 35 000 pazientas e pazients, da quels derivavan 75 pertschient dal chantun. Cun circa 17 600 pazientas e pazients è vegnida provedida bundant la mesadad en l'ospital chantunal. Var 14 600 han pertutgà ilis ulteriurs ospitals publics e 2700 ilis ospitals da la clinica Gut. Cumpareglià cun l'onn 2010 n'èn ilis dumbers da pazientas e pazients strusch sa midads.

Per ospitalisaziuns avevan l'onn 2018 circa 20 pertschient da las pazientas e dals pazients tractads en ilis ospitals publics in'assicuranza mez privata, privata u autramain supplementara; ilis 80 pertschient restants eran assicurads per la partiziun generala.

L'onn 2018 èn 86 pertschient da las pazientas e dals pazients grischuns sa laschads tractar en ilis ospitals acuts publics u privats dal chantun; 14 pertschient èn ids en instituziuns d'ordaifer il chantun.

Dumbers da pazientas e pazients dals ospitals acuts, 2010–2018




La cumparegliaziun da plirs onns mussa ch'ils dumbers da las pazientas e dals pazients grischuns ed esters èn restads tut en tut stabils dapi l'onn 2010. Cleramain è però creschì il dumber da las pazientas e dals pazients dal rest da la Svizra; da l'onn 2010 fin l'onn 2018 è el s'augmentà per annualmain 211 cas u per circa 4,3 pertschient sin passa 6500 pazientas e pazients.


L'onn 2018 era la vegliadetgna mesauna da las pazientas e dals pazients provedids en ilis ospitals acuts circa 51 onns; mintgamai circa in quart era 15–44 onns, 45–64 onns e 65–79 onns.

L'onn 2018 ha la dimora mesauna importà circa 5 dis. En la cumparegliaziun temporal na sa mussa strusch ina midada. Tenor l'experien-tscha dura la dimora – pervia da la grevizza

Svilup dals dumbers da pazientas e pazients e dals dis da tgira dals ospitals acuts, 2010–2018



Vegliadetgna da las pazientas e dals pazients dals ospitals acuts, 2018



pro cas (CMI) ch'è en media pli auta – in pau pli ditg en l'ospital chantunal ch'en ils ulteriurs ospitals acuts publics ed en las clinicas privatas.

Provediment cun ospitals per la populaziun

L'onn 2018 èn quasi 9 da 10 pazientas e pazients grischuns vegnids tractads staziunarmain en in ospital dal Grischun; var 60 pertschient da quels en lur atgna regiun d'ospital. Cun l'introducziun da la libra tschernha d'ospital – l'onn 2012 – è s'augmentà il dumber da pazientas e pazients d'auters chantuns: en l'ospital chantunal dapi lura annualmain per 6,1 pertschient ed en las clinicas privatas per

8,6 pertschient. Ils ulteriurs ospitals dal provediment da basa public han registrà l'emprim ina perdita da 7 pertschient tar las pazientas ed ils pazients d'ordaifer il chantun, e quai da l'onn 2011 fin l'onn 2014. Dapi lura è il dumber da pazientas e pazients d'ordaifer il chantun però s'augmentà er là per annualmain 5,2 pertschient.

Manaschi d'ospital da la somatica acuta

L'onn 2018 lavuravan en ils ospitals dal Grischun tut en tut 4427 persunas en la dimensiun da 3175 plazzas a temp cumplain. En la repartiiziun tenor gruppas professionalas furmava il personal da tgira – cun 38 pertschient – la part la pli gronda. La part da medias e medis importava en media 17 pertschient da tut las plazzas a temp cumplain. Il personal tecnic e medicinal sco er terapeutiic cumpigliava 16 pertschient, medemamain il personal betg medicinal (administraziun e personal tecnic). Da l'onn 2010 fin l'onn 2018 han ils ospitals registrà in augment da personal dad en media 1,8 pertschient per onn. Sch'ins considerescha l'entir dumber da personal, pertutgan var 11 pazientas e pazients ina plazza a temp cumplain; tar il personal da tgira eran quai circa 29 pazientas e pazients, tar las medias ed ils medis 66 pazientas e pazients.

Custs e retgav da gestiun, grad da garanzia, EBITDA 2018v

	Manaschi complessiv (staziunar ed ambulat)			
	Custs da gestiun (miu. fr.)	Retgav incl. contribuziuns PUP	Grad da garanzia	Marscha EBITDA
Ospital chantunal dal Grischun	302,0	323,1	107 %	+10,6 %
Ospital da l'Engiadin'Ota, Samedan	40,4	43,2	107 %	+7,5 %
Ospital da l'Engiadina Bassa, Scuol	17,3	17,3	100 %	+7,3 %
Ospital da Tavau	33,1	31,1	94 %	-4,3 %
Ospital regiunal da la Surselva, Glion	30,1	31,5	105 %	+5,2 %
Ospital da Tusaun	18,9	18,4	97 %	-0,5 %
Center da sanadad, Savognin	5,5	4,8	86 %	-11,6 %
Ospital da Schiers	30,0	29,2	97 %	+8,5 %
Center da sanadad Val Müstair	1,7	1,8	107 %	-36,3 %*
Ospital San Sisto, Puschlav	7,1	6,3	89 %	+8,1 %**
Centro sanitario Bregaglia	1,1	0,9	83 %	-5,3 %*
Ospitals acuts publics	487,3	507,7	104 %	

Pervia da las differenzas che resultan cun arrundar po la summa divergiar dal total inditgà.

DG = grad da garanzia = retgav ord ospitalisaziuns/custs da gestiun; PUP = prestaziuns d'utilitad publica

*Marscha EBITDA da l'entir center da sanadad; il sector dals ospitals na vegn betg cumprovà separadamain.

**Mo cifras da la partiziun acuta

L'evaluaziun dal personal tenor nazionalitads inditgescha la gronda impurtanza da las forzas da lavur estras en ils fatgs da sanadad dal Grischun: circa 28 pertschient dal personal en

ils ospitals acuts deriva da l'exteriur, per la pli gronda part dal territori da la UE. En las clinicas privatas era la part da forzas da lavur estras anc pli gronda ed importava 33 pertschient

Reabilitaziun


Reabilitaziun

Il chantun Grischun ha tschintg clinicas da reabilitaziun. La Clinica autalpina a Tavau ha l'incarica da prestaziun la pli extendida. Ulteriuras clinicas èn la Clinica a Tavau dals Centers da reabilitaziun turitgais, la Reha Seewis, la Reha Andeer sco er il Center da sanadad Engiadina Bassa. Perquai che las clinicas dal Grischun porschan mo ina part da la vasta paletta da servetschs da reabilitaziun, cumpiglia la glista dals ospitals dal chantun Grischun ulteriuras clinicas d'ordaifer il chantun.

Prestaziuns staziunaras da las clinicas da reabilitaziun


L'onn 2018 han las clinicas da reabilitaziun dal chantun Grischun tractà staziunarmain tut en tut in pau dapli che 4300 pazientas e pazients. Da quels aveva circa in terz tranter 45 e 64 onns e circa la mesadad dapli che 65 onns. En las clinicas da reabilitaziun è la durada da la dimora mesauna natiralmain bler pli lunga che en il sector acutsomatic. Ella sa differenziescha ultra da quai fermamain sin fundament da las purschidas e da las spezialisaziuns da las sin-

Vegliadetgna da las pazientas e dals pazients da las clinicas da reabilitaziun, 2018



*senza Centers da reabilitaziun turitgais | Clinica Tavau

Svilup dals dumbers da pazientas e pazients e dals dis da tgira en la reabilitaziun, 2010–2018



gulas clinicas. L'onn 2018 èn las pazientas ed ils pazients sa tratagnids en media 25 dis en la Clinica autalpina Tavau, en la Reha Andeer è la durada da la dimora stada mo circa mez uschè lunga.

Cumbinà cun ils dumbers da pazientas e pazients ch'èn tut en tut regressivs, ha la durada da dimora reducida chaschunà ina diminuziun dals dis da tgira. Durant la perioda da l'onn 2010 fin 2018 è quest dumber sa reduci en media per circa 2,3 pertschient sin quasi 97 500 dis da tgira. La cumparegliaziun dals dumbers da pazientas e pazients grischuns e dal svilup da la populaziun lascha presumar tut en tut ina rata d'ospitalisaziun pli pitschna en il sector da la reabilitaziun staziunara. Betg sco ultim dependa quai da la substituziun pli e pli gronda da tractaments da reabilitaziun staziunars cun tractaments da reabilitaziun ambulants.

Provediment da reabilitaziun da la populaziun

Il dumber da pazientas e pazients era l'onn 2018 circa 12 pertschient pli bass che la valor da l'onn 2010. Per quai è stada responsabla en emprima lingua la diminuziun da las pazientas

e dals pazients da rehabilitaziun che derivavan da l'exteriur (-71 pertschient dapi l'onn 2010). Las clinicas da rehabilitaziun s'orientavan però sco adina a las pazientas ed als pazients che derivavan d'auters chantuns: tut en tut derivavan circa dus terzs da tut las pazientas ed ils pazients da l'ulteriura Svizra. Cas cuntrari sa laschavan tractar en il chantun circa 60 pertschient da las pazientas e dals pazients da rehabilitaziun che derivavan dal Grischun.

Psichiatria

Cuntrada d'ospitals da psichiatria

Dapi l'onn 2019 surpiglian ils Servetschs psichiatics dal Grischun la tgira psichiatica d'uffants e da giuvenils, sco er da personas creschidas. Las purschidas da provediment staziunaras sa chattan a Cuira ed a Cazas. Ellas vegnan complettadas da purschidas regionalas cun clinicas dal di e cun posts d'uras da consultaziun ambulants.

Prestaziuns staziunaras da la psichiatria


L'onn 2018 èn tut en tut circa 2250 personas vegnidas tractadas en moda staziunara en il sector da la psichiatria. Cumpareglia cun l'onn 2010 correspunda quai ad in augment da var 670 cas u da 4,5 pertschient per onn. In pau dapli che la mesadad da quest augment po vegnir attribuì a la Clinica holistica privata a Susch ch'è activa dapi l'onn 2012. En las clinicas Waldhaus e Beverin è il dumber da pazientas e pazients s'augmentà per 2,1 pertschient durant la perioda dals onns 2010 fin 2018. L'augment ha gi lieu cunzunt tar las pazientas ed ils pazients d'auters chantuns (+100 % dapi l'onn 2010) e tar las pazientas ed ils pazients da l'exteriur (+21 % dapi l'onn 2010). Autramain ch'en la somatica acuta ed en la rehabilitaziun derivan las pazientas ed ils pazients da la psichiatria principalmain da la part pli giuvna da la populaziun. L'onn 2018 avevan 43 pertschient da las pazientas e pazients 15 fin 44 onns, ulteriurs 39 pertschient avevan 45 fin 64 onns.

L'augment dal dumber da pazientas e pazients che derivan dal chantun Grischun è stà durant ils onns 2010 fin 2018 en media 1,3 pertschient per onn. Perquai che la populaziun è


Manaschi da las clinicas da rehabilitaziun

L'onn 2018 occupavan las clinicas da rehabilitaziun dal Grischun tut en tut 602 personas en la dimensiun da 461 equivalents a temp cumplain. Questas cifras n'èn strusch sa midadas dapi l'onn 2010. L'onn 2018 tutgavan en il sector da rehabilitaziun en media 9,4 pazientas e pazients ad ina plazza a temp cumplain.

Dumbers da pazientas e pazients da las clinicas psichiaticas, 2010–2018



Vegliadetgna da las pazientas e dals pazients en la psichiatria, 2018



creschida durant la medema perioda mo per 0,4 pertschient, pon ins presumar correspundentmain che la rata d'ospitalisaziun saja s'augmentada en il sector da la psichiatria. L'onn 2018 è la media da la durada da la dimora stada 37 dis.

Prestaziuns ambulantas da la psichiatria

L'onn 2018 han ils SPGR assistì 7500 pazientas e pazients en il sectur ambulants. Passa 90 pertschient dals puncts da taxa ch'èn vegnids mess a quint per l'assistenza ambulanta han pertutgà pazientas e pazients grischuns. Dumandadas eran oravant tut las purschidas ambulantas e las uras da consultaziun a Cuira ed en las regions dal Grischun central e dal Grischun dal sid.


Provediment da la populaziun

L'onn 2018 èn stgars 1450 pazientas e pazients grischuns vegnids tgirads staziunarmain en las clinicas psichiatricas chantunalas. Quai correspundeva a circa 85 pertschient da las persunas en il chantun che duvravan in tractament psichiatric staziunar. Viceversa èn vegnidas tgiradas staziunarmain 261 pazientas e pazients grischuns ordaifer il chantun.

Manaschi da las clinicas psichiatricas

L'onn 2018 ha il personal da las clinicas psichiatricas en il chantun Grischun cumpiglià

Svilup dals dumbers da pazientas e pazients e dals dis da tgira en la psichiatria, 2010–2018



827 persunas respectivamain 609 equivalentes a temp cumplain. Envers l'onn 2010 è quai in augment da circa 6 pertschient per onn. L'onn 2018 han circa 3,7 pertschient pertutgà ina piazza a temp cumplain.

Chasas da tgira

Cuntrada da las chasas da dimora

Il chantun Grischun è dividì en 17 regions da chasas da tgira che han tut en tut 51 chasas da tgira cun totalmain 2547 letgs.

Prestaziuns staziunaras da las chasas da tgira

Ils dumbers da las abitantas e dals abitants da las chasas da tgira dal Grischun èn tut en tut sa midads mo pauc ils ultims onns. L'onn 2018 vivevan circa 3 persunas en chasas da tgira. Circa in quart basegnava ina leva tgira (temp da tgira da sut 1 ura per di), entant che circa 40 pertschient basegnava ina tgira mesauna (temp da tgira dad 1 fin 2 uras) e 35 pertschient gronda tgira (temp da tgira > 2 uras). En var 35 pertschient dals cas èn las abitantas ed ils abitants sa tratagnids maximalmain 90 dis en la chasa da tgira, en ulteriurs 20 pertschient dals cas ha la dimora en la chasa da

tgira durà tranter 90 dis ed 1 onn. En media ha importà la dimora en ina chasa da tgira 2 onns. Ils ultims onns avevan las abitantas ed ils abitants da las chasas da tgira dal Grischun en media 85 onns. Var 80 pertschient da las abitantas e dals abitants avevan pli che 80 onns e 97 pertschient pli che 65 onns.


Provediment da la populaziun

En il sectur da la tgira ha il chantun Grischun tut en tut in aut grad d'autoprovediment regional: l'onn 2018 han passa 83 pertschient da las persunas che duvravan ina piazza da tgira pudì vegnir provedidas en l'atgna region.

Manaschi da las chasas da tgira


L'onn 2018 eran occupadas 4265 persunas en las chasas da tgira dal Grischun. Quai correspunda ad ina dimensiun da 2463 plazzas a temp cumplain. Tut en tut è il dumber da personal restà constant dapi l'onn 2014. Perquai ch'er il dumber da las abitantas e dals abitants è sa midà mo pauc, è er il temp da tgira per piazza a temp cumplain restà constat cun circa 570 uras.

Vegliadetgna da las abitantas e dals abitants d'ina chasa da dimora, 2018



En la perioda da 2011 fin 2018 èn ils custs per di ch'ils letgs eran occupads s'augmentads en media per 2,3 pertschient per onn sin circa 301 francs per persuna e per di. Chaschunà quest augment dals custs han tranter auter ils custs da pensiun e d'assistenza ch'èn s'augmentads dapi l'onn 2011 en media per 3,3 respectivamain per 4,2 pertschient per onn. En il sector da las chasas da tgira han ils custs

Custs per di ch'ils letgs èn occupads, 2018



importà circa 255 milliuns francs l'onn 2018. Ad els s'opponiva in retgav da tut en tut circa 239 milliuns francs. Quai correspunda ad in grad da la cuvrida dals custs da 94 pertschient.

Spitex


Cuntrada da spitex

La rait chantunala da la spitex vegn furmada da 21 servetschs cun ina incarica da prestaziun communal e dad 8 ulteriurs servetschs. Ina vasta purschida da prestaziuns pussibilescha a la populaziun da vegnir sustegnida a chasa en cas d'ina malsogna, d'in accident, da maldispostadads da vegliadetgna u d'autras restricziuns da l'in u l'auter gener.

Prestaziuns dals servetschs da spitex

L'onn 2018 han ils servetschs da la spitex dal Grischun furnì servetschs a circa 5500 clientas e clients. Trais quarts da las clientas e dals clients han profità da prestaziuns da tgira e var 70 pertschient da prestaziuns da tegnaichasa u d'assistenza sociala. Uschia ha tratg a niz circa la mesadad da las clientas e dals clients pliras prestaziuns. Tut en tut han 2,8 pertschient da la populaziun grischuna duvrà regularmain almain

Clientas e clients dals servetschs da spitex, 2010–2018



in servetsch da spitex. Sch'ins resguarda mo la populaziun sur 65 onns, era la part da las persunas assistidas da la spitex cun 8 pertschient pli auta tar las prestaziuns da tgira che cun 7 pertschient tar las prestaziuns d'assistenza.

L'onn 2018 ha il servetsch da pasts provedi var 1800 persunas ed ha furni vers 175 000 pasts. Sco en il cas dals servetschs da spitex è er il circol da la clientella dal servetsch da pasts creschi fermamain dapi l'onn 2014.

Provediment da la populaziun


Las prestaziuns da tgira èn vegnidas tratgas a niz a 54 pertschient da dunnas sur 65 onns. Circa 29 pertschient han pertutgà umens sur 65 onns. Sumeigliantamain vesa quai ora tar las prestaziuns da tegnairchasa e d'assistenza sociala.

Manaschi dals servetschs da spitex

L'onn 2018 cumpigliava il personal dals servetschs da spitex 417 plazzas a temp cumplain. Ina plazza a temp cumplain provediva en media 17 clientas e clients dal sectur da servetschs u da pasts.

L'onn 2018 importavan ils custs da manaschi da la spitex tut en tut circa 42,8 milliuns francs. Da quels pertutgavan circa 82 pertschient ils custs

Uras da servetsch prestadas e pasts furnids dals servetschs da spitex, 2010–2018



da personal. Il retgav da manaschi importavan totalmain circa 43,3 milliuns francs. En quel eran cuntegnidas er las contribuziuns dal chantun e da las vischnancas (per part sco garanzia da deficit) da circa 16,7 milliuns francs respectivamain da 38 pertschient dal retgav total.

Servetschs da salvament


Cuntrada da servetschs da salvament

Ils servetschs da salvament èn in liom impurtant en la chadaina dal provediment medicinal. En cas d'urgenza han els l'incumbensa da prender las mesiras che salvan la vita da las pazientas e dals pazients, d'establi lur abilitad da vegnir transportads e d'als transferir en il proxim ospital ch'è competent per tractar lur malsogna u lur blessuras. Il chantun Grischun ha dudesch servetschs da salvament (SS) e set basas d'ambulanza (BA).

Prestaziuns dals servetschs da salvament

L'onn 2018 han gi lieu var 12 800 accziuns, da quellas èn stadas circa 9800 accziuns primaras cun in emprim provediment da la pazienta u dal pazient al lieu d'accident. Trais quarts da tut las accziuns èn vegnidas realisadas entaifer il temp fin che l'agid è arrivà (q.v.d. temp da parten-za e da viadi dals servetschs da salvament) da maximalmain 15 minutas, tar 98 pertschient ha quest temp importà maximalmain 30 minutas.

Accziuns da salvament per mais, 2018




* «regiuns da sport d'enviern» Δ servetschs da salvament REO Engiadin'Ota, SS Surselva, REDA Tavau, SS Partenz, SS Scuol, SS Surses, BA Arosa, BA Cadi, BA Samignun
ulterioras regiuns Δ Salvament Cuira, SS Tusaun, SS Puschlav, SS Bregaglia, SS Val Müstair, SAM Mesolcina, BA Zerne

Provediment da la populaziun

Correspondentamain al dumber d'abitantas e d'abitants è vegnida realisada la gronda part da las accziuns da salvament (circa 37 %) en la

Dumber e gener d'accidents (accziuns primaras), 2018



Val dal Rain da Cuir. En las regions turisticas è il dumber d'accziuns per 1000 abitantas ed abitants stà surproporzional, quai cunzunt durant ils mais d'enviern da december fin mars.

Manaschi dals servetschs da salvament

L'onn 2018 cumpliava il personal dals servetschs da salvament e da las basas d'ambulanza 120 plazzas a temp cumplain. Da quellas

eran quasi trais quarts servetschs da salvament ubain sanitarias e sanitaris d'ambulanza. Per plazza a temp cumplain èn pia vegnidas realisadas en media circa 90 accziuns. Las basas d'ambulanza han duvrà in terz dapli personal e quel ha prestà 1,4 equivalents a temp cumplain per 100 accziuns

Medias e medis dal sector ambulat

Cuntrada da medias e medis

En il chantun Grischun vegn il provediment medicinal da basa e da cas d'urgenza garanti da las medias e dals medis che pratitgeschan en moda libra.

Prestaziuns da las medias e dals medis dal sector ambulat

En il Grischun eran l'onn 2018 244 da 415 respectivamain circa 60 pertschient da las medias e dals medis che pratitgeschan en moda libr provediders da basa: 185 en la medischna generala, 41 medias generalistas e medis

generalists, 18 medias e medis d'uffants e da giuvenils. Ils 40 pertschient restants eran activs en secturs spezial, il pli savens en ils secturs da la psichiatria e da la psicoterapia (9 % dal total), da l'oftalmologia, da la ginecologia e da l'assistenza al part (mintgamai 5 %).

Provediment da la populaziun

Dapi l'onn 2010 è il dumber da las medias e dals medis che pratitgeschan en moda libra creschì per 15 pertschient en il sector ambulat. Quai è d'attribuir per gronda part a la quota da dunnas ch'è s'augmentada d'in quart l'onn 2010 sin in terz l'onn 2018. L'onn 2018 devi en il Grischun totalmain 141 medias e 274 medis che pratitgeschan en moda libra en il sector ambulat

Impressum

Editor

Departament da giustia, segirezza e sanadad dal chantun Grischun

Autors ed auturs

Marc Herter,
Center per la perscrutaziun da la politica economica,
Scola auta spezialisada dal Grischun

Peter Tromm,
Center per la perscrutaziun da la politica economica,
Scola auta spezialisada dal Grischun

Nicola Katharina Kull,
Departament da giustia, segirezza e sanadad

Concepziun e stampa

Somedia Production, Cuira

Infurmaziuns

Uffizi da sanadad dal Grischun
Planaterrastrasse 16, 7001 Cuira
Tel. +41 81 257 2644
info@san.gr.ch

Data da publicaziun

settembre 2020

Datas

Uffizi da sanadad dal Grischun

Infurmaziuns detagliadas davart il provediment da la sanadad 2020 dal chantun Grischun
chattais Vus online sut: www.grimpuls.ch/gesundheitsversorgungsbericht
(actualmain disponibel sulettamain en tudestg)



Departament da giustia, segirezza e sanadad

Hofgraben 5, 7000 Chur, Tel. +41 81 257 25 13
Fax +41 81 257 21 66, info@djsg.gr.ch, www.djsg.gr.ch